

駭潰以釀成種類之亡吾恥之吾之命懸視宗忽忽至今者徒以二三豪傑力求自拔於茫茫苦海中而心未死耳爰與諸君子創立公法學會期於古今中外政法之著變和戰之機宜條例約章之殺列與中國所以不齒公法之故一一講明而切究之而一歸諸素王改制之律意以求轉圜於後日補救於將來雖太平世無界無爭之義匪今日所能言而其爭自存以為無爭之起點者一蠱一蚊之力奚辭焉唐才常曰子言偉哉昔日本明治之初稅務律法權利規則皆失自主權其大俠岩倉具視木戶孝允大久保利通伊藤博文等謂察環海情形日夜謀更訂約章十一年遣使議於華盛頓不許十二年請於大阪之英商會不許十三年又將擬更約稿分致各國政府仍不許然歲以來各大國終與更約視平等例而日本乃昂然表異於環球不齒公法之支那土耳其朝鮮暹羅波斯埃及阿富汗諸國而曩者馬關之約攔然以前此之不堪於各國者施之中國若曰吾今而後得野番土蠻彼支那人焉而中國士夫夷然不之知不之恥也今子與諸君子毅然講求是學將以收自主之權振戶居之氣上體素王改制悲憫救世之苦衷下規日本大俠銳意更約頂踵不辭之熱力則生死肉骨未必不基於此抑尤願諸君益擴充游歷資聯閣接軫於樽桑八島間求所謂維新之政之學悉聚而歸以衝決吾文網療治吾病軀則中國其庶幾乎今夫太空中而有全世界焉惟心力之所成耳其成者何電也其電者何以太也吾子誠有保國種維世界之心而一以公法治之則電與以太知之而郵之矣不成何患焉况乃蒼蒼之表際儲一由小康至大同之法界由有等至無等之公理以為平萬國權力者根原斯事體大而發端甚微異日所以抗衡西人而通其種教者茲其券也吾子勉乎哉吾尸子矣

撫院奏摺

頭品頂戴湖南巡撫臣陳寶箴跪 奏為遵議湘省各屬州縣徵收丁漕銀兩折收錢文分別減取並提解錢價平餘及免其減提情形恭摺仰祈 聖鑒事竊臣准戶部咨光緒二十三年六月二十日欽奉 上諭給事中龐鴻書奏江浙等省徵收地丁條銀折價與市價懸殊請飭酌減一摺著戶部議奏欽此旋經部議擬令各省就地完納情形暨向來徵收章程查明地丁折錢較市價大有浮多者即行酌量議減其以銀完納以洋銀折納實有浮多者亦一體量為核減至有漕省分徵收漕糧每石折錢三千四百餘文及三千七百餘文不等以現時錢價計之比從前均屬加增一律酌減方為平允又如各州縣徵收糧石遇有合勾奇零之數或按斗升計算徵收銀兩遇有釐毫尾零之數或按一分計算此係官吏營私舞弊廢削斯民一端又另片奏據江西撫臣德壽奏添

籌英德俄法借款無可騰挪今值銀價減賤所有徵錢各州縣每地丁一兩議減徵錢壹百文漕米一石議減徵錢壹百肆十文減徵之外每地丁一兩隨正加解錢價平餘銀七分每漕米一石加解錢平餘銀一錢統歸司庫轉飭詳查妥議去後茲據湖南布政司何樞糧儲道但湘良及善後報銷局司道等會詳稱查湖南夙稱偏僻之區北有洞庭巨浸凡濱湖各屬州縣地多沮洳西南二面環峙崇山土薄田稀其界連黔粵苗獠雜處之地尤為瘠瘠以故田賦其輕且於咸豐八年經前撫臣駱秉璋設局清查折徵之數將舊有陋規大加裁減凡錢漕皆由各屬士民自擬欸目呈請核定同治三年復經前撫臣譚世臨再加核減通計闔省錢糧每年實為民間減去錢三十萬串有奇均經 奏明在案所有徵收丁漕數目以及辦理章程均係因地制宜參差不齊難以統歸一律綜計通省四直隸州五直隸廳三州六十四縣共徵額賦僅及江西之半較之物博賦重之江浙等省更相懸殊徵收弊端亦視各省較少至有漕之應州縣共二十四處額徵漕折之數亦復無多皆地勢使然也夫州縣為親民之官關係民生至重固應責令休養生息不容剝削脂膏亦須使其內顧無憂庶得專心民事湖南州縣額支籌廉銀多者不過一千二百兩少者祇二百兩分作九成支發近者提扣軍餉三成仍扣六分減平應領千兩者備得五百餘兩署任半廉不及三百兩尚須扣抵奏捐等項往往無可領之銀凡署中日食以及勘驗盤查夫馬等項均須自備加以近年伏莽未清差役疲玩每須自養壯丁以供巡緝他如購捕兇盜之賞格保甲團練之冊籍統計費用為數不貲全賴籌濟羨餘以資津貼故州縣征解漕糧皆酌留餘地俾免別滋弊端此固各省所同不獨湖南為然湖南亦不獨近日為然也釋戶部原奏附片蓋緣近年銀價跌落凡州縣徵收丁漕定有折錢額價由官易銀批解省庫較比銀貴之時綽有餘裕雖云提減兼籌乃取諸價之長餘非裁其本有入款既紓民力復濟時艱而於官吏無損法誠至善允宜遵照辦理至若向來徵銀及徵洋銀之處該官吏所得坐支羨餘等項必須易錢以備川資運脚辛工紙張及署中一切公用則視銀貴之時暗中已多虧折似不在減提之例又有一縣之中地丁漕折分別收銀折錢者則何項折錢應就何項減提他如隨時議價折收錢文完銀完錢聽民自便又或原係早年銀賤之時核定折價與夫近年甫經裁減以及該本地銀缺價貴將額征之易錢批解無甚長餘者均應照其減提以符戶部原議酌量辦理免礙之本意茲謹會同逐加查核悉心參酌如郴州澧州桂陽南縣州新設南洲一應暨道州安化邵陽衡山常甯甯陸華容桃源龍陽沅陵辰溪澧浦芷江黔陽安鄉安福慈

利與甯永興會同共二十州縣徵收地丁均係折錢擬請各就向章原數一兩減收錢一百文再提解錢價平餘銀七分又臬州廣茶陵州新甯城步耒陽攸縣安仁鄧縣祁陽東安永明江華新田沅江澧縣麻陽石門永定桂東嘉禾通道二十一應州縣向章雖亦折收錢文惟或係早年銀賤之時定價或因近年銀賤業經各州縣先行裁減或僻處山陬或遠居邊鄙本地銀缺價昂與通都大邑迥不相同或有折錢之各花戶率以洋銀投納且復高抬價值不免暗中虧耗即照向章徵解尚虞不敷辦公似難再議減提此外如靖州武岡州長沙善化湘陰瀏陽醴陵湘潭寧鄉新化衡陽清泉甯遠巴陵平江臨湘武陵宜章桂陽臨武藍山綏寧共二十四州縣有係徵收銀兩者有係隨市價折錢聽民自便者核其征收數目較比江西已裁之數猶為減少又如鳳凰乾州永綏三直隸應永順保靖龍山桑植四縣或征屯銀或征秋糧每歲收銀百餘兩數十兩不等均擬各照向章征解免其減提此湘省地丁分別應行提減及免其提減之情形也復查有潛之應州縣二十四處內澧州南州麻茶陵湘陰瀏陽攸縣巴陵平江衡山清泉衡陽華容安福常甯耒陽共十五州縣征收漕折俱係折錢均擬各照向章原數每漕米一石減收錢一百四十文再提解錢價平餘銀一錢又長沙善化湘潭醴陵益陽湘鄉安仁八縣係取銀兩臨湘一縣係隨市價折錢均請免其減提此又湘省漕折分別應行減提及免其減提之情形也以擬辦減提之各州縣應由藩司會同糧儲道發給告示曉諭通知并嚴禁別立名目分外浮取自光緒二十四年上忙開征為始即照新章辦理至光緒二十三年以前民欠及帶征緩征銀兩均仍各照舊章完納以清界限而示區別如將來銀價昂貴准其稟請核飭復舊并奏請免其議減提之各州縣亦應行通飭取錢取銀暨折取洋銀務各照舊章數目不得加多並力籌差務索其隨市折錢者必須實照本地南價牌示不得任意低昂遇有奇零尾數包整計算湘中州縣此弊雖少亦應嚴申禁令以杜未然以上分別辦理各端皆由司道等博訪周諮並證以各屬稟廣因地隨時折衷定議俾令度支稍裕共維時局之艱難仍期日久相安庶免官民之齟齬等情具詳前來臣查湖南省錢價之昂實自近年為甚臣於光緒二十年到任正值歲旱歉收又因錢缺少民間生計愈艱屢經臣諄飭各州縣征收漕漕凡係以銀錢完納之項自應酌量通融以紓民力嚴飭不恤民隱之吏以儆其餘又於省城開爐鼓鑄制錢及設官錢局藉資周轉並訪有奸商私制運錢出境售賣銷燬情弊復飭釐金卡局稽察嚴禁近年以來本省錢價較之他處尚覺稍低是以雖常飢饉之餘除應行蠲緩外各屬徵收分數視往年不致減色固出湘民急公報効之忱亦半由牧令之撫字備科尚無偏執自利之見本年春間

恭奉光緒二十三年二月初八日 上諭御史彭述奏湖南籌備積弊請飭整頓一摺飭將酌定征價一併酌量核辦等因遵即飭司道轉飭各屬將近近日徵收情形機實稟復正在彙齊核辦旋准部咨議奏減提章程即飭該司道遵照部章各就地地方情形悉心查核往復籌議具詳前來復經臣詳加察核所請似尚屬周妥除該司道等核明減提數目逐造冊冊另詳咨報並咨戶部查照外謹會同督臣張之洞恭摺具陳伏乞 皇上聖鑒訓示謹 奏奉 硃批戶部知道欽此

岳州府巴陵平江臨湘華容等縣士紳公懇改變書院章程及推廣學會稟并批
具稟岳州府巴陵縣增生郭鵬慶生龍銓甲附生姜炳坤劉光萃杜耀現王第祥平江縣附生張長嘯生葉勤青增生余培附生楊存堅臨湘縣附生方傳鸞華容縣拔貢段修鈺等為擬改岳陽書院章程推廣學會稟懇札飭以速籌辦而開風氣事竊惟自強之道以育才為先育才之方以興學為亟方今外患迭乘 國版日蹙 朝廷之旁求雖切薦剝之奇杰罕聞豈盡鍾毓之無靈實由培植之未豫近年以來內外大臣仲禮時艱莫不以開設學堂變通書院為急務上年湖南省城 奏立時務學堂並將岳陽書院師課改章校經書院增置學會講求實學造就人材以期漸次推廣在案本年二月 憲台會同 學憲通諭內有欽奉 諭旨增開特科歲舉兩途循後之典極隆登進之階愈廣凡我髦士自當及時砥礪研求實學期成遠大之器宏濟艱難并札飭各屬州縣遵照勸導士紳多設學堂并將書院課章酌改以資造就等語仰見憲台鼓舞羣材振興學校廣開風氣力圖富強之至意現在內府若湘鄉瀏陽等處外府若寶慶沅州等處或創立新學或酌改舊章均奉 憲台批飭迅即舉辦以收興學育才之效岳州舊有岳陽書院規模狹隘齋舍傾頽前岳州府知府鍾守并慎修於岳陽擴充而增葺之講堂宏敞齋舍精潔慎修以課經史岳陽以課時文仍其舊制而延山長一人以督教之雖習禮橫經儒風斯扇而懷鉛握槊習未備幸逢 國家式煥新猷屢下 明詔變通科舉而抑置虛文開設學堂以講求實用使羣勉為識時之傑以共挽夫國步之艱我岳州仍守舊聞不知變計其何以上應明揚之典下成遠邁之才乎 生等撫茲時局竊用疚心擬仿湘水校經書院章程改岳陽書院為經學史學時務輿地算學詞章六門以課生童之成材者并仿照實學會章程改慎修書院為學會以教童年之堪資造就者本擬議定章程稟請岳州府英守轉詳 憲台批准以便開辦既思岳州風氣未開輿情難協道旁築室何日觀成且改章必添經費籌款尤屬要圖值此公私竭蹶之餘誰為慷慨好義之舉非得 上台特諭曷由鼓舞羣情生等不揆冒昧會商

同志敢用瀆陳伏乞 憲台俯賜察核札飭岳州府知府立諭岳州紳士到城公同計議迅速開辦以成美舉而育真才况岳州為湖南門戶番舶不時來往近日教堂漸設保護尤宜加意苟非變通書院速立學會以破羣盲而開民智則去歲曹州教案難保其不復見於岳州也惟開辦之時所有一切規制章程容俟妥籌續陳察核立案謹將變通岳陽書院推廣學會原由除稟學憲外理合肅稟陳明伏乞 憲台賞准迅賜批示祇遵深為德便上呈

撫部院陳批

據稟已悉近來欽奉 諭旨飭各省設立時務學堂講求實學以立自強之基前變通科舉章程於歲舉外復設經濟特科以求體用兼備之士業經本部院會同學院通行各屬並出示曉諭誠以世變日新宏濟艱難非空言所能收效現當羣雄角立之時苟不亟圖變計培育人材力求實用豈能量力比權巍然並峙湖南省城創設學堂學會後各府州縣亦多漸次舉行瀏陽一邑並將城鄉七書院同時更改章程講求實學尤徵卓識岳州瀕瀕洞庭鍾毓靈秀該生等擬請照改岳陽書院為經史時務與算詞章各門以課生童之成材者改修書院為學會以教童年之堪資造就者可謂敦崇本實通時變將來人材輩出實推此舉為開風氣之先候札行岳州府率同巴陵等縣迅即聯集紳士公同籌商辦法酌增款項將變通書院設立學堂章程尅日妥議由該府縣核明稟呈本部院會同 督學院察核彙齊 奏咨立案以仰副 朝廷育材致用至意並即知照仍候 學院批示此批

總署覆電 錄漢報 ○湖廣總督張香濤制軍前接京電謂洋款借定以鹽務釐金作抵飭將湖北各鹽局一律裁撤改歸稅務司經理制軍以利權未可旁落電請總署另行籌議茲聞官場傳述總署已有覆電到鄂略謂此次籌借洋款以鹽稅釐金作抵由總稅務司赫德議定簽押奉 旨允行不特湖北各鹽局須裁即安徽之督銷局蘇浙江西之釐金局亦皆在裁併之列事關大局未可輕議阻撓飭仍照前議迅速轉飭各局一體遵行一俟赫稅務司派員前來即行移交辦理勿得藉口遷延云云

粵督力阻鐵路 ○頃接粵友來函謂文帥去歲奉 旨開辦湘粵鐵路其自廣州至湖南境上應由文帥主持文帥以昭信股票既議商捐若鐵路行則昭信必致阻滯因 奏請停辦廣東鐵路未知 朝廷能否嘉納也

鄂督入覲 ○頃接鄂電香帥奉 旨入覲以鄂撫譚敬帥兼權督篆滬電又謂恭慶兩邸病重有欲 香帥入贊樞密之意際此外患紛乘政府張皇無所為計 香帥此行其關係大局匪輕矣

俄兵東指 ○中東一役俄人自謂有大造於中國於是請將西比利亞鐵路由滿洲接至東方海旋口又請由伯都訥運達旅順口長駕遠馭漸肆雄心而當日中俄所立和約第五條內開鐵路所經之處大半係荒僻之區華官得難保護周詳應准俄國派馬步隊在各緊要車站駐紮圍讀過似乎無足重輕詎知已占將來節節駐兵地步然猶謂難當於西比利亞及滿洲鐵路告成之後乃目下西比利亞鐵路尚未工竣滿洲甫經勘道而俄人已派馬隊及工程隊屯紮吉林中國所簡吉林將軍即以胡為平來則以遵照條約對

法人計議 ○昨報載西首法字報有論云東方大局若果用於決裂致動干戈則我法俄德三國必為一黨而英日兩國亦為一黨至於意大利國或將附於英黨亦未可知若夫英日兩國海軍之強遠勝於我法俄德三國是無待言然我三國之海軍若果操縱精純更蒙吳蒼垂庇得以戰勝於英日則最要者係將新嘉坡一地先行據守以斷英人東西往來之要道而後再據香港以絕其糧則庶幾可以得志東方然或為英日所敗則西貢及東京之基樞地方必至受其害矣詳核英國現在戰務其猶未告厥成功者則為印度邊疆之亞浮里釐部埃及之拿美士眾及打蘭士日等役然或英國一敗則我須如拿破崙第一所言以兵先破倫敦據其根本而後將英國商途敗壞斯時英即不能不俯首帖耳而受我三國指揮矣法報之言如此閱之殊堪失笑夫英國海軍素有天下莫強之號止英一國已勝德俄法三國海軍遠甚况助以日本新自奮與之國乎然詳觀法報所言其私心已自惴惴不安故作此論以為恐嚇之說冀奪英人之聽俾其持盈保泰而不與德俄法相仇耳

俄皇善於籠絡 ○與京維也納近信云暹羅國王今次游歷歐洲假道俄國京城會見俄皇接待頗優俄皇曰朕以暹法兩國萬籟至今未釋朕當居間為兩國排解盡釋前嫌復歸於好豈不美歟即朕與暹亦見更形親密矣貴國都盤谷府茲後朕當簡外交官常川駐劄辦理彼此交涉事件云嘻俄皇慣以此術籠絡亞東諸國中 國朝鮮已墮其術中茲又施諸暹羅環球各國一聞此信莫不從旁竊議以為此舉所關甚大切不可忽畧視之也

西人不欲中日興學校及武備 ○譯倫敦水陸師報云近來日本陸發狂病跳躍飛揚大有欲尋人攫食之勢我各大國急宜禁止其兵船之數不許過多祇許其守護口岸足矣今日中國既弱亦宜趁此機會不准其設

立學堂尤不可許其振作武備聯合各國不得與中日兩國造艦因此二國人負野蠻之性若資以歐洲砲火利器將來必有大害為之造兵船者當慮及貽己之害可也何不思阿非利加人得我歐人槍砲戕害歐人幾許今工藝廠為中日造艦製器不過欲獲小利耳而後日適受大害則何如杜塞其來源使新出奇製不得流入彼國斷厥禍根乎

英人公憤○紐約接到電音云英人不允支那割地與人有背和約條例否則要求利益一律均霑英美兩國報深羨其言並論英人此舉匪惟自誤實為大局起見我英亟宜接踵而行蓋英美祇求東方權利平衡而已非若俄德法三國各挾私衷垂涎支那匪惟一朝一夕苟使英人斯議可行支那可無割地之憂而瓜分之議自可息滅非徒支那感戴英人之德即歐洲諸國亦無不欽佩焉

法人變產以與水師○法廷近因經營水師需款三萬萬佛郎急無所措暫將國產變賣以濟艱難管理財政大臣戈君徵列愛派員前往查明何處房屋地段可以變賣一一具報其水師兵弁所住諸房屋所派員弁未便往查者當由兵部派員查明具報云云

衛足述聞○不纏足會所以全生人之體立自主之權吾湘毅然倡行翕然響應聞去歲長沙清泰都黃氏陳氏余氏楊氏與尊陽都鄭氏聯為此會鄭氏復撰刻歌詞相為勸勉凡入會者百數十人幼者弱者壯且老者一律放足今逾一載居然健步如釋重囚其放足之法亦無他意但初時履稍加長寬其束縛勤於洗濯一月之間而趾跡平滿如故矣千年惡習一旦蕩除疾清報端以告同志

- 不纏足會續題名
- 何釐瓚字慶松瀏陽人 葉文炳字子卿長沙人 李光忠字瑞麟武陵人 劉琢之字子敬湘陰人
 - 李騰炬字炳星武陵人 周仲嵐字曙嵐長沙人 譚元瑞字恢堂瀏陽人 譚嗣問字秦生瀏陽人
 - 康人龍字補農湘鄉人 張通諱字仲純湘鄉人 何成字遠堂安徽人 鄧奎章字少甫四川人
 - 金振聲字聲如浙江人 尹彥鈞字和生長沙人 程樂山字敬仁江蘇人 沈彰字文垣湘潭人
 - 朱厚澤字潤生石門人 徐文瑩字煥之長沙人 成業襄字簡青甯鄉人 吳之珍字玉如四川人
 - 蔣德修字際雲湘鄉人 蕭貽琰字韞山湘鄉人 趙興翼字幼班湘鄉人 沈敬璠字麗生湘潭人
 - 李光襄字笠茵湘鄉人 王德齡字芷仙益陽人 羅正呂字振旃湘潭人 李德棠字子炯巴陵人

捐助南學會書籍題名

- 蔣觀察德鈞劉觀察麒祥熊庶常希齡續捐入
- 水師保身法 一本 列國歲計政要 六本 英國水師律例 二本 臨陣 科 四本
 - 光學 二本 電學 六本 英俄印度交涉書 一本 談天 四本
 - 開地道轟藥法 二本 噶人傳 十二本 附開方表 一本 代數術 六本
 - 克虜伯砲說附表 二本 鍊石編 二本 各國交涉公法 十六本 數理 四本
 - 對數表 四本 西藝知新附圖 十四本 冶金錄 二本 聲 四本
 - 風機表 一本 化學表 一本 西藥表 一本 列國六軍制 二本
 - 克虜伯砲藥彈造法附圖 三本 海道圖說附長江 一本 石印八省沿海全圖 七十九張 三本
 - 石印古今算學叢書股票出售

此書係善化劉振愚內翰在上海設局詳細校對共書一千零八卷分三次出書五月出象數一門八月出樂律兵法格致三門臘月出天文經史三門書票每部價銀三十五元如欲購者請至上黎家坡劉宅購取可也

閏三月初四日日用各物時價表

物名	每實	價值	物名	每實	價值
銀	兩湘平	一千三百五十三文	銀	兩	七錢五分 湘平 九百二十文
上白米	石	七錢三分八厘	次白米	石	七錢九分五厘
中米	石	一千五百五十五文	河東谷	石	三千四百文
河西谷	石	一千五百五十五文	上粳	石	一千五百八十分
中粳	石	一千六百五十五文	下粳	石	四千七百文
洋粳	包	四百二十文	下粳	石	三千九百文
茶油	百斤	二兩八錢	油	百斤	五十六文
牛油	百斤	七兩一錢	桐油	百斤	七兩六錢
牛油	百斤	一兩八錢五分	菜油	百斤	六兩一錢
牛油	百斤	一百二十文	桐油	百斤	一千一百文
中棉花	百斤	七十九文	上棉花	百斤	十七兩二錢
中棉花	百斤	十六兩九錢	下棉花	百斤	十六兩一錢
三印折裝	石	四兩一錢	二印折裝	石	四兩一錢
三印折裝	石	一兩六錢五分	烟絲	石	四兩一錢
三印折裝	石	三百六十文	烟絲	石	三百二十文
三印折裝	石	二百四十文			

儒醫

劉陽陳慶康夫子序名諱精岐黃術住
求忠篤志二齋一號 同門公白

王壯武公全集

公為中興儒將用兵如神是書稟讀書札及練勇習言等
共念四卷皆談兵者不可少也

寄南陽街富文書局發售

廣豐森綢緞洋貨布莊

開設長沙大西門專辦綢緞大呢洋
貨彩標加樂緞青棉夏布疋俱全

推算易經命理

坤梓張會仙館精通河洛理數吉
凶禍福准驗如神 同人代白

印送不纏足歌

凡欲閱者請至南正街翁宅領取

新造木輪

此船係仿蘇河水輪式樣加工製造輕快異常往來長沙湘潭載客甚
為穩便而價極廉每日上午八點鐘開往湘潭晚間八點鐘開回長沙
決不遲誤停泊所長沙在大西門外湘潭在十四號特此告白

儒醫涂

專治喉科疔毒其效如神屢試屢驗
寓貢院東街左家試館涂萃和內

友人同啟

中外通商利害論

自古中外相通無不以通商為事易言致天下之民聚天下之貨書言懋遷有無靡吝車牛遠服買詩言獻琛共
球傳言戎狄貴貨買土禮言易關市來商旅遠方皆至上無乏用周禮之司市治貨賄懷方氏掌來遠方之民致
遠物合方氏掌遠天下之道路通其財利職方民辨夷蠻戎狄之人民與其財用穀畜知其利害言通商詳詳史
記貨殖傳漢書食貨志以後諸史皆沿襲之蒲萄酒天馬來於西域印竹杖蜀布及于身毒安息市商賈用車
及船行旁國或數千里以銀為錢如其王面六朝則南北往來市賈不絕唐之番舶司雜林賈人宋元以來海船
番船昭然史冊不勝備指大抵中外之通必有其漸先有通商以達其情然後有朝貢往來之事交涉不善然後
有侵犯征伐之事見於史冊者事之大者變者耳其常則為通商古今中外其致一也彼為利來此為利往未有
不為利而通商者彼得其利此亦得其利技商可常通未有無利而通商者無者使有滯者使暢以美補不足所
欲與之遂之上下皆得其便此通商之利也顧有利必有其害其害財或因以利其土地規其虛實窺其治忽我
強則我利彼是害在彼也彼強則我利是我在彼也為上者善其善其善善因其利而已在我能自強無為為
弱而已自強則通商利不通商反不利不自強則不通商害遠商亦害或者鑒通商之害而欲閉關絕市此儒生
俗吏不達於時務不明於公理者也夫中國地方二萬里其緯度處溫帶物產至二十六萬天府之國孰有以加
於此哉然人智而我愚人富而我貧人通而我塞耳蓋商務之要無他術通而已矣山西之煤鐵雲南之銅錫
湖南安徽之茶米四川之材藥江西之磁器蘇杭之織造百物盈物各擅其精能荷無商以相通則彼有所餘此
有不足將此方布滯於機杼而彼則無藉以號寒矣此方粟朽於倉箱而彼則饑饉不能出矣一省壅即一省匱
元氣削焉大命傾焉國其何以自存乎一國之中猶一省也使塗民耳目以為百貨貨備而產煤鐵者不能無賴
於茶米工織造者不能無需於材藥况澤人乏木山人乏魚地利人力土宜固有其不齊者溝然書為一國杜外
貨之入而塞內泉之流由是農而食之不能易其所種植工而成之不能售其所製造民生日蹙將自困矣英國
五十年前嘗嚴禁他國穀米入口因是嘗患缺食而餘貨貿易亦以疲滯自一千八百四十六年海禁大開商務
乃歲增惟倍日本領港謝客國以微弱迄乎明治通商舉全國而口岸之其有志者糾合同人設為商法會議所
商法學校以振興商務而日商遂冠冕亞東昔之英今之日是非其明效大驗者耶神農氏日中為市交易而退
各得其所所以王天下國於地球之上而相與通商固天理之自然古今之公義也且通商之例大半以貨易貨故

湘鄉彭名壽撰